



**Broj: 01- 117/12  
Vareš, 31.05. 2012. godine**

Na osnovu člana 5. stav 4. Zakona o koncesijama(Sl. novine FBiH br.40/02 i 61/06), člana 8. i 56. Zakona o principima lokalne samouprave(Sl. novine FBiH br. 49/06), člana 95. Statuta općine Vareš, broj: 01-25/09 od 29.01.2009. godine i 01-15/12 od 30.01.2012. godine, a u vezi sa članom 100. Poslovnika o radu Općinskog vijeća Vareš-Prečišćeni tekst br.01-109/09 od 29.04.2009. godine i br.01-16/12 od 30.01.2012. godine, a postupajući po zahtjevu Ministarstva za privredu/gospodarstvo Zeničko-dobojskog kantona br.04-18-02819-1/12 od 21.05.2012. godine, Općinsko vijeće Vareš, na 39. sjednici održanoj 31.05. 2012. godine, d o n o s i

## **Z A K L J U Č A K**

### **I**

Daje se saglasnost za dodjelu koncesije za istraživanje i eksploataciju mineralnih resursa- olova,cinka,barita i srebra na lokalitetu“Rupice- Juraševac Brestić“, općina Vareš,kupcu DP Rudnik olova,cinka i barita –u stečaju Vareš, ukoliko isti iskaže interes ,u skladu sa članom 28. Zakona o koncesijama(Sl. novine FBiH br.40/02 i 61/06).

Ukoliko isti ne iskaže interes dodjela koncesije će se vršiti putem javnog poziva.

Predmetni lokalitet je definisan kordinatama prelomnih tačaka:

tačka	X	Y
I	4 894 900	6 519 000
II	4 894 900	6 519 400
III	4 893 720	6 520 275
IV	4 893 560	6 519 975
V	4 894 250	6 519 000
I	4 894 900	6 519 000

### **II**

Stanje i status zemljišta(istražno-eksploataciono polje) je sljedeće:

- stanje vlasništva u zemljišnim knjigama kao i posjeda u katastru-predmetno zemljište je društvena i privatna svojina
- predmetna lokacija se nalazi van predviđenog urbanog područja i nije posebno rezervisana za određenu namjenu te se uklapa u prostorni plan Općine, te sa aspekta prostorno planske dokumentacije nema smetnji za dodjelu koncesije.
- na predmetnoj lokaciji i u neposrednoj blizini nema objekata historijskog i kulturnog nasljeđa.

-na predmetnoj lokaciji i neposrednoj blizini ne postoje izvorišta koja se koriste ili se planiraju koristiti te sa aspekta sanitarne zaštite izvorišta nema smetnji za predmetni lokalitet.  
-na predmetnoj lokaciji ne postoji niti se planira gradnja vodoprivrednih objekata za snabdijevanje naselja vodom.

### III

U svim aktivnostima dodjele koncesije i izrade koncesionog ugovora aktivno će biti uključena lokalna zajednica, a sve u skladu sa članom 56. Zakona o principima lokalne samouprave.

### IV

Koncesionar, koji u postupku javnog prikupljanja ponuda bude izabran kao najpovoljniji, obavezan je prikupiti sve potrebne saglasnosti i dozvole prije potpisivanja koncesionog ugovora, s posebnim težištem na okolinsku dozvolu, kojom će biti ispunjene norme u skladu sa Zakonima EU o zaštiti okoliša.

Ugovor o koncesiji posebno će regulisati obaveze koncesionara o rekultivaciji rudnika po završetku eksploatacije, kao i drugih površina koja su pretrpjela oštećenje prouzrokovana radom rudnika.

### V

Zaključak se dostavlja Ministarstva za za privredu/gospodarstvo Zeničko-dobojskog kantona na daljnje postupanje.

### VI

Ovaj Zaključak stupa na snagu danom donošenja.

**PREDSJEDAVAJUĆI  
OPĆINSKOG VIJEĆA**

**Josip Malbašić**

## OBRAZLOŽENJE ZAKLJUČKA

o davanju saglasnost za dodjelu koncesije za istraživanje i eksploataciju mineralnih resursa- olova,cinka,barita i srebra na lokalitetu“Rupice- Juraševac Brestić“, općina Vareš.

Na osnovu člana 1. Zakona o dopunama zakona o koncesijama(Sl. novine FBiH br. 61/06) i članova 8. i 56. Zakona o principima lokalne samouprave(Sl. novine FBiH br. 49/06), Općinsko vijeće ima nadležnost da vrši politiku upravljanja prirodnim resursima i raspodjelu sredstava ostvarenih na osnovu njihovog korištenja na teritoriju koji je definisan općinskim granicama.

Ministarstvo za privredu/gospodarstvo Zeničko-dobojskog kantona je uputilo dopis br.04-18-02819-1/12 od 21.05.2012. godine na Općinsko vijeće i Općinskog načelnika u kojem se traži saglasnost za dodjelu koncesije na istraživanje i eksploataciju mineralnih resursa-olova,cinka,barita i srebra na lokalitetu“Rupice- Juraševac Brestić“, općina Vareš.

Uz dopis je dostavljena studija o ekonomskoj opravdanosti dodjele koncesije za istraživanje i eksploataciju mineralnih resursa-olova,cinka,barita i srebra na lokalitetu“Rupice- Juraševac Brestić“, općina Vareš ,koju je uradila firma MM Project d.o.o. Kreševo koja je iskazala zainteresovanost za dodjelu koncesije.

Ležište se nalazi u blizini mjesta Donje i Gornje Borovice i kroz istražni prostor prolazi lokalni put Sastavci –Gornja Borovica. Nadmorska visina terena je od 1100 do 1250 metara.Ukupna površina istražno-eksploatacionog polja iznosi 831.875,00 m<sup>2</sup>

Realizacija projekta bi se odvijao u dvije faze.

Prva faza obuhvata završetak, ranije započetih,geoloških istraživanja i verifikacija rezervi i kvaliteta mineralnih sirovina.

Druga faza obuhvata eksploataciju i preradu mineralnih sirovina.

Geološki uslovi upućuju na podzemnu eksploataciju.

Predviđeno je, da dok se ne izvrši rekonstrukcija i obnova proizvodnje i prerade na Veovači, ruda iz ležišta Rupice eksploatira i prerađuje na sljedeći način:

-rovna ruda iz jame će se drobiti i putem separisanja (gravitaciono) izvršiti grubo odvajanje jalovine

-grubo separisana ruda će se transportovati u Kreševo u proizvodni pogon privrednog društva MM projekt d.o.o. Kreševo gdje će se vršiti dodatna seperacija rude.

Planom je predviđeno proizvodnja oko 5.000 tona koncentrata barita i 20.0000 tona koncentrata olova i cinka koji sadrži određene količine srebra.

Planirani period istraživanja je 3 godine a vijek eksploatacije 30 godina a planirana investicija u rudnik iznosi oko 7.750.000,00 KM.

Za rad u rudniku na bazi dvije smjene (pet dana u sedmici) potrebno je 45 radnika.

Finansijska sredstva koja bi se izdvajala kroz koncesionu naknadu kao i zapošljavanje bila bi značajan element stabilizacije budžeta Općine, a slijedilo bi i adaptiranje i izgradnja lokalnih saobraćajnica kojima bi se transportovao mineralni resurs,upošljavanje lokalnih prevoznčkih firmi,upošljavanje lokalnog stanovništva okolnih mjesnih zajednica itd...

Uz nadležnost Federacije BiH , koncesioar će vršiti rudarske aktivnosti uz zaštitu života i zdravlja radnika i okoliša poštujući važeće tehničke standarde.

Po završetku eksploatacije izvršiti će se rekultivacija terena,što će biti precizirano koncesionim ugovorom.

Eksploatacija mineralnih resursa ima pozitivan uticaj na mogućnost daljnjeg razvoja općine Vareš kao i ostvarivanje prihoda od koncesije.

Obzirom da je saglasnost Općinskog vijeća početni i osnovni akt za daljnji postupak dodjele koncesije, predlaže se Općinskom vijeću da usvoji Zaključak u predloženom obliku.

PREDLAGAČ  
OPĆINSKI NAČELNIK  
Hamdo Fatić,